

DOA'S KJEEN FRINT SOO TRU AUS JESUS

(Welch ein treuer Freund ist Jesus)

(What A Friend We Have In Jesus)

(Sinjt Froo! #67)

1. Doa's kjeen Frint soo tru aus Jesus,
Dee doa wellich halpen deit.
Ons Jebäd hieet hee soo jieren,
Un hee weet woo ons daut jeit.
Wan wie ons dän Fräd vedoawen,
Un de Sind ons mol dol schleit,
Es hee reed ons opptonämen,
Wäa em Gloowen no am jeit.

2. Wan dien Dach nich goot delenjd rant,
Un de Lod woat sea schwoa.
Komen Wolkjen die bedrekjen,
Un du Tronen weschst soogoa.
Froag däm Heilant die to halpen,
Am es aules openboa.
Hee haft Rot fa aul daut schwoaret,
Dan woat die de Dach uk kloa.

3. Feelst du eensom un veloten,
En een dunklet, deepet Tol?
Es de Dach too drock fa aules,
Linkjsch un rajchtsch un opp un dol?
Nemm die Tiet jenuach toom bäden,
Daut es doch de baste Wol.
Jesus steit doch reed toom horchen,
Hee vesteit die jiedat mol.

Wieed: Joseph M. Scriven, 1820-1886
Musikj: Charles C. Converse, 1832-1918
Em Auljemeenen Jebruck
Plautdietsch: Ed Zacharias